



Bons pratikas di jeson di avikultura e fundamental pa produson di ovus di kualidadi. Primeru pasu e pa kumesa ku galinhas saudavel. Tudus avis y ovus na txoka dentu di komunidadu debi ser bendidu ku sertifikason ki ta prova ma es ten orijen di un bandu ki testa negativu pa salmonella pullorum. Abrigu adikuadu pa bus avis ki ta oferesi pruteson di klima y predadoris e prosimu pasu na produson di ovus di kualidadi. Abrigu debi ser sufisientimenti grandi pa kebi konfortavelmenti tudus avis au mesmu tenpu. Oferesi gaiolas di ninhu linpu y seku, da pelu menus un gaiola pa kada kuantu avi. Suplimentu di kumida y agua fresku e isensial na manutenson di un bandu saudavel.

Un avi femia feliz, saudavel senpri ta produzi mas ovus. Si produson di ovus ultrapasa bus nesisidadis pesual, venda di ovus fresku a publiu e un opson. Antis di bendi ovu, sta sienti ma bu sertifika ku Gabinete di Saudu lokal.

Freskura di ovu e un fator di tenpu y temperatura. Debi panhadu ovu pelu menus dos bez na dia, di palmanhan y tardi. Rimuson rapidu di ovus di gaiolas ta djuda manti ovus intaktu y linpu. Ovus linpu ka mesti ser labadu. Ovus kebradu o laskadu debi ser tradu di kes ki sta podu na benda. Ovus laskadu y mantxadu podi ser bendidu di propietadi di undi ke produzidu, ora ki e enbaladu y rotuladu komu tal.

Si bu mesti laba ovus, ka bu permiti pa ovu fika dentu di agua. Agua ten ki sirkula na superfisi di kaska tenpu interu. Agua ten ki sta 10° F mas kenti ki ovu; sinou bakteria podi pintxadu di kaska pa dentu di ovu. Ora ki bu stiver ta uza un labador di ovu o dizinfetanti sigi tudus instrusons. Si agua di laba ta ben di un fonti privadu kel agua debi ser testadu di seis en seis mes pa spesifiku bakteria. Rezultadus di es testis ten ki ser mantidu na arkivu pa inspeson.

Ovus katadu debi ser mantidu entri 33° F y 45° F pa diminui kresimentu di bakteria. Ka ta rekomendadu pa armazena ovus pertu di itens ku txeru forti. Es txeru podi ser absorvidu y da ovu un sabor “stranhu”.

Ovus debi ser oferesidu pa venda na kaxas linpu non uzadu ki sta rotuladu kuretamenti. Administrason Di Alimentus y Ramedis (FDA) ta iziji pa un deklarason di manuziu seguru sta vizivel na kaxa. Kel deklarason debi fla: **“INSTRUSON DI MANUZIU SEGURU:** Pa previni duensas di bakteria: manti ovus refrijeradu, kuzinha ovu ti ki jema bira firmi, y kuzinha alimentus ki ten ovu dretu.” Kumpra somenti kaxas ki ten kel deklarason di manuziu impresu na el. Kel sinal di “enbaladu na data” y “bendi ti data” ten ki sta tanbe impresu na kaxa. Kel “data di venda” ten ki ser 30 dias dipos di data di enbalajen. Diskrison di ovus enbaladu na kaxa ten ki ser impresu na kaxa na letras di 3/16° di un polegada o mas grandi. Nomi di produtor, enderesu, y numeru di telefoni debi tanbe sta inkluidu.

Ora ki ten a ver ku kumersializadon di ovus bu ten varius opsons. Bu podi opta pa midi tamanhu y klasifika ovus o nou. Klasifikason e fetu atravez di ovoskopia y dimenson e fetu atravez di pezu. Na kalker di kazu bu debi diskrevi kuze ki sta na kaxa. Txeru produtoris di pikenu porti ta opta pa identifika ses ovus komu “Non Klasifikadu y Non Dimensionadu”. “Non Klasifikadu y Non Dimensionadu” (tanbe riferidu komu “Koridu di Ninhu”), signifika ma bu ka fazi ovoskopia nen peza ovus y bu enbalas sen organiza di algun manera. Tudus ovus, indipendentimenti di Klasifikason o Tamanhu o kes ki e bendidu komu Non Klasifikadu y Non Dimensionadu, debi sta linpu y sen nun sinal di laska vizivel.

Klasifiason y tamanhu e padron na E.U interu y bu podi atxa diskrison di kada un na website di Departamentu di Rekursus Agrikula (MDAR). Pa mas informason favor kontakta Divizon di Saudi Animal na (617) 626-1798 o <http://www.mass.gov/eea/agencies/agr/animal-health/poultry/>